

~~Post 2/21~~

M. Hermann, Anst.

(12/2/21)

Patentband  
für Chemiker



2

Kurzer Begriff

# Des Christlichen Le-

# bens vnnnd Seligen absterbens / Wei-

# land des Ehrwürdigen vnd Wolgebomen Her-

# rē / Herrn G E O R G E N von Seyn / Graffen zu Witgen-

# stein / Herrn zu Homburg / der Erz vnd Hohen Stifften respectivē zu

# Cöllen probsten / zu Trier vnnnd Straßburg Thumherzn / zc. Welcher

Sambstags war der sechst Monats tag Julij / vmb drey vhr nach  
Mittag des jetzt lauffenden Acht vnnnd achtzigsten Jars

in des Stiffts Bruderhof zu Straßburg / sanfft

vnd Selig im H. Ern Christo ents-

schlaffen ist / zc.



M. D. LXXXVIII.

[Straßburg: Bernhard Jobin] 1588

[8] Bl. 8°

Kurzer Begriff

Des Christlichen Lebens vnd  
Seligen Abschieds/ weiland des Ehr-  
würdigen vnd Wolgeborenen Herrn/ Herrn  
Georgen von Seyn Graffen zu  
Wittgenstein.

**W**ie G D T allein vnd Christlich E H R  
In dieser Welt geliebet sehr  
Der Ehrwürdig vnd Wolgeborn  
Graff Jörg von Seyn/ ein außerkorn  
Vnd herzlich Hochlöblich Person  
Mit Tugend viel gezieret schon:  
Also ist er auch Selig sein/  
Zur letzten stund geschlaffen ein/  
Des Seel bei Gott sich frewen thut/  
Erlöst durch Jesu Christi Blut.

Wie er sein leben hie geführt  
Vbrig geschicht so man es rhürt:  
Dann solchs dem Römischen Reich bekant/  
Ja weiter noch in frembde Land/  
Bei Königen/ Fürsten/ Graffen viel/  
Erstreckt sich auff ein weites ziel/  
Ja das die widersacher sein/  
In diesem punct mit stimmen ein/  
Ihn nennen ein herrlichen Man/  
Der für vnd für viel guts gethan/

Leben vnd Sterben S. Georg

In sachen groß vnd wichtig sehr/  
Betreffend auch die höchste Ehr.  
Seins lebens zeit erstreckt sich zwar  
Dasselb auff drey vnd sechzig Jar/  
Welchs vielen hat so mans betracht/  
Personen groß das end gebracht.

Bald wie er kommen inn die Welt/  
Hat er zu tugend angestellt/  
Die Ersten Jar vnd Kindheit sein/  
Der Eltern Herz erquicket fein/  
Da sie erkant die Edle art/  
Han sie kein fleiß an ihm gespart/  
Zuchtmeister ihm zugeben bald/  
Züchtig/ gelehrt/ vnd manigfalt  
Der kunst bericht wie sich gebürt/  
Die haben ihn so weit geführt/  
Daß er auch in der jugent sein/  
Gewesen ist ein heller schein/  
Dem vhralten loblichen Stam/  
Deren von Seyn vnd herlich nam.

Auß diesem Haus hie von berichte/  
Wie offtmal in Historien geschicht/  
Auch vnser zeit dasselbig lehrt/  
Hat Gott von Himmel offti beschert/  
Von grossem gmüt vnd weisen raht/  
Viel dapffer Craffen/der man hat  
Im Römischen Reich mit glück vnd heil/  
Offtmals gebraucht/in grosser eil/

Habn

Graffen zu Witgenstein.

Habn sie gefahr dabei veracht/  
Sorglich zustand in fried gebracht.  
Zhr mänlich Hand in Krig vnd streit/  
Vnd dapffer muth jimmer bereit/  
In massen doch wie sichs gebürt/  
Gar vielmal han jr Feind gespürt/  
Derwegen lieben diesen stam/  
Die Römischen Keyser allesam/  
Auch König Chur vnd Fürsten all/  
Vnd wer sie kent in diesem fall.

Solch herrlich namnt vnd grossen ruhm/  
Hat dieser Herz nicht gestossen vmb/  
Sonder viel mehr erweitert gar/  
Vnd aller Welt erkläret zwar.

Ach Gott im hohen Himmelreich/  
Der du prüffst Nier vnd Herz zugleich/  
Dir keinr den schalck verbergen kan/  
Sichsts ihm bald an den Augen an/  
Du weist wie Gottselig sein lauff/  
Erfüllet hat von jugent auff/  
Der Edel Herz/ vnd nicht gescherzt/  
Mit deiner Ehr/ ein frommes Herz/  
Hat er behalten in den Todt/  
Hasts angesehen in lester noht/  
Da er dich hie zum zeugen fürt/  
Als vast sein Seel die leffhen rürt.

Diß fundament der Tugend sein/  
Gewesen ist ohn falschen schein/

A iij

Leben vnd Sterben S. Georg

Wolt Gott die grossen Herren all/  
Beschaffen wern in gleichem fall/  
Der Spán vnd jrung viel geschlecht  
Schon weren/die mit scuffzen tret/  
Die Kirche Gottes in dieser Welt/  
Darauff das Creuz fast heuffig felle.

Demnach er hat in Schulen hoch/  
Dern sich Teutschlandt preißt selig noch/  
Sehr wol studiert/die kunst gefast/  
Vnd sprachen/hat er nicht gerast/  
Kurzweil geübt vnd müßiggang/  
Welchs umbher geht in vollem schwang/  
Sondern hat sich von heimen weit/  
Begeben in der blühend zeit/  
Zusehn in frembder Nation/  
Waz sich erhielt ihr sitten schon/  
Ihr Gottes dienst vnd wesen all/  
Hat er erlernet dazumal/  
Die Hochgeborn vnd frembde Herrn/  
Hat er mit ruhm wist zuuerhren/  
Nach ihrer sit geberd vnd weis/  
Deß meniglich ihm gibt den preiß.  
Franckreich dasselb gezeugen soll/  
Welchs dismal wirt geplaget wol/  
Damals war es die rüwig zeit/  
Ist aber jek gewichen weit.  
Paris Lugdun vnd Orlien/  
Vnd andre Stätt auff ihrer grenk/

Gesehen

Grass zu Witgenstein.  
Gesehen han den Herren wol/  
Ihn solches nie gereuchen soll.  
Der König selbs vnd Fürsten mehr/  
Han ihm erbotten zucht vnd ehr.  
Italiam, den Edlen ort/  
Hat er erkant vnd ihre wort  
Artlich geredt : des Pabstes pracht/  
Zu Rom gesehn vnd wol geacht.  
Hett Pabst gewust zur selben zeit/  
Daz der hernach gelegenheit  
Sein Reich zu schmälern geben solt/  
Fürkommen dem het er gewolt.  
Das Nider vnd auch Engelland/  
Warn ihm durch auß vnd wol bekant.  
Nuhn sag mir an ob der geleich/  
Zu finden viel im Römischen Reich.

Teutschland nach ihm geseuffzet hat/  
Auch lang geseht nach seinem Raht/  
Von ihm doheim zu sein begert/  
Vnd ihn gehalten hoch vnd wert/  
Auff Reichstäg viel des Reiches heil/  
Hatt er bewogn in schneller eil/  
Scharffsinnig weiß für jederman/  
Sein bdencken hat gezogen an/  
Das darob Keyser Fürsten all/  
Des Reiches stände offtermal/  
Groß wunder hat genommen ein/  
Vnd ihm daselbst zughorchet fein.

Sonst

Leben vnd Sterben z. Georg

Sonst hat er auch bey Königen hoch/  
Bey Chur vnd Fürsten immer noch/  
Mit ansehen groß viel sach gericht/  
Da andre warn zebrauchen nicht.  
Die tugent groß vnd Weißheit sein/  
Hett ihn gelassen nicht allein/  
In Grauenstand: sondern viel mehr/  
Gesetzt hoch in Fürsten Ehr/  
Churfürst des Reichs het ers begert/  
Er worden wer frey vnerwert/  
Straßburg du weitberümbte Statt/  
Bey der sich viel gehalten hat/  
Der Edel Graff zu dieser frist/  
Vmb ihn du hoch bekümmert bist/  
Sag an dann du es wissen solt/  
Bischoff er wer het er gewolt/  
Ach Gott daß ers het wollen thun/  
Die sachen stünden besser nun.

Thumbprobst zu Cöln in hoher würd/  
Er gewesen ist wiewol der bürd/  
Varcellensis ein Welscher man/  
Wie ihm der Babst sol bfohlen han/  
Wider Recht fug vnd billigkeit/  
Berauben wollen vngescheid/  
Gesteht ihm keiner der gewalt/  
Die er sich einbild manigfalt/ |  
Sein würd zu Cöln der Graff erhelt/  
Bis ihn nuhn hat der Todt gefelt/

Varcellens

Leben vnd Sterben S. Georg  
Varcellens mein kom zu mir ab  
Mit dir ich furz zu reden hab  
In welchem Recht besteht dein macht/  
Der du dich rümfst mit grosser pracht?  
Nicht wirdt gedacht an einem ort/  
Derselbn im heiligen Gottes wort/  
Das vnser all Lucern soll sein/  
Regieren vnser werck allein.  
Auch findstu nichts in Keyser Recht/  
Das dir allhie groß fürtheil brecht/  
Vieleicht wirstu mit grossem hauff/  
Dein Canones hie legen auff/  
So viel den selben Punct berirt/  
Seind aber nicht authenticiert/  
Dein gsellen ohne grundt allein/  
Dieselb hand ins Buch gslicket ein/  
Zu ihrem nutz vnd geltgewin/  
Teutschlandt ist es geworden in.  
Du vbst hiedurch groß Tyranney/  
Weiß nicht wo dein gewissen sei  
In Teutschlandt aber Gott sei danck/  
Solch Tyranney ist worden franck/  
Die Reichs abscheid dir solche macht/  
Enzogen han gar wol bedacht.  
Sag an wie ist es dir ergangn?  
Ich mein man hat dein groß verlangn/  
Ich mein man hat dich wol geehrt/  
Kum wider man noch dein begert/

3

Leben vnd Sterben S. Georg

Du bist geworden gar schabab  
Dir solches selbs zudancken hab/  
Damit passier auff dismal hin/  
Vom Graffen wider ich begin.

Zu Trier in dem hohen Stiffe  
Vnd loblich seer nach alter Schrift  
Hat er geführt Thumbherren standt  
Sein hat genossen leut vnd Land/  
Weisheit/ Vernunfft vnd klugen Raht  
Bey ihm man je gefunden hat.

Strasburg ihn kennt in ehren viel  
Het ihm gewünschet lengers ziel/  
Sein tugent hat ihn lieb gemacht  
Bey menniglich vast hoch geacht/  
Des Dechanats Statthalter auch/  
Er gewesen ist nach Stiffes brauch/  
Dafür ihn König Fürsten kandt/  
Ihn auch in Schrifften so genant/  
Vnangesehn ob hieuon schlecht/  
Der widersacher reden möcht/  
Dennoch hat er die ehr geführt/  
Bis ihn der Todt hat angerürt.

Seelig vnd wol hat er gelebt  
Gelück vnd heil hat vmb ihn geschwebt/  
Nun ist er in des Himmels thron/  
Mit freuden viel bey Gottes Sohn/  
Der ihn auff Erden hat erlöst  
Vnd dort im ewgen Leben tröst:

Auß

Graffen zu Witgenstein.

Auß dieser Welt ein selges end  
Mit sanfftem schlaff nam er behend/  
Jedoch zuuor vast wol bereit  
In hoffnung groß der seeligkeit  
Die er ihm mit dem Leib vnd blut/  
Christi Jesu versigelt gut.

In seiner Kranckheit frú vnd spat  
Gotts wort er se getrieben hat:  
Welchs war sein arbeit freud vnd lust  
Wol darinn man ihn gúbet wust.  
Dasselb rein vnuerfelschstes wort  
Wie aller Christen/ war sein hort/  
Insonders auß Sanct Pauli Lehr/  
Im achten an die Römer er/  
Kurz vor seim End vnd offtmal sunst/  
Auß lieb zu Gott vnd Herzen brunst/  
Befolhen hat zu lesen frey  
Die wort/wie dort geschrieben sey/  
Sehr oft hat er an diesem ort/  
Erholet hie die trostlich wort/  
Das nemblich nichts auff dieser Erd/  
In höh tieff breit erfunden werd/  
Das ihn von Gottes lieb abscheid/  
In Christo Jesu vns bereit.  
Mercklich auch ist/ ihm essen man  
Auff gewöhnlich zeit hat gbotten an/  
Antwort er gibt vast kurz bedacht/  
Nach ander speiß mein Herke tracht:

B ij

Leben vnd Sterben S. Georg

Last bleiben bisz vmb dreien zeit/  
Mein speiß zu essen dann bereit.  
Vmb drei hernach kein leiblich speiß/  
War nötig ihm auff irdisch weiß/  
Sein leben da hat geben auff/  
Wie Menschen all in diesem lauff/  
Das Himmelbrodt vnd süßes safft/  
Das seiner Seel gibt lebens krafft/  
Er dazumal hat erst empfangn/  
Nach diesem brunn that ihn verlangn

Ir vbrigen drumb Geistlich gschlecht/  
Mein Herrn ich pitt lebt Christlich/recht/  
Sein seelges end mit herzen rein/  
Gar woll last euch befolhen sein/  
Folgt nach/folgt nach dann ihr noch heut  
Beruffen werdt zur gulden zeit/  
Steht ab vom Neid vnd Menschen art/  
Verfertes sins verfolgung spart/  
Der Brüder so selbs Christum han  
Zum Fundament/all Menschen wahn  
Zu wider dem verachten frey/  
Seitmal dasselb verdamlich sey.  
Thut ihrs/ ein gut gewissen wacht/  
In ewerm Herzen tag vnd nacht/  
Wo nicht/wirdt es wol finden sich/  
Die letzte löß erhelt den stich/  
Wann kompt der vngewere Todt/  
Da wirt fürwar sein angst vnd nott/

Wann

Graffen zu Witgenstein.

Wann Gottes zorn wie fiewr anzündt/  
Vnlöschlich Herz vnd Nieren brint/  
Fegfiewr bey weitem dem nit gleicht/  
Vnd wann man schon ablaß erreicht/  
Der briuen voll ein Hopffen sack/  
Das Herz schreit dannoch wehe vnd ach/  
Neshalten horas lesen zwar/  
Stilts nicht mann treibs gleich hundert jar/  
Vnd was sonst ist der Menschen gticht/  
Für Gott vns warlich hilffet nicht/  
Will aber nicht hie melden mehr/  
Ach Gott vns zu dein wort bekehr.

Dormit ich nun beschließ einmal/  
Vernünfftiglich ganz vberal/  
Der Kranckheit zeit der Graff berichtet/  
Sein willen hat gewackelt nicht/  
Wie er vernam daß auß der welt/  
Zu scheiden ihm das ziel gestelt/  
Damals er zu gewisser stund/  
Erkläret hat seins Herzens grund/  
In gegenwart der Graffen zween/  
Vnd andre mehr so ihn gesehn/  
Zu den der Graff ganz wolgethan/  
Mit seuffzen fieng zu reden an:

Auff erd hab ich gelebet wol  
Darfür ich herzlich dancken soll  
Der Maieftet im Himmelhoch/  
Die mir beywohnt mit gnaden noch/

Leben vnd Sterben S. Georg

Das mit vernunfft/mit sanfftem mut/  
Mein Seel zu ihr abscheiden thut.  
Lob Gott/wol hab gelebet ich/  
Kein angst des Todts ansichet mich/  
Herz Jesu Christ/auff dieser Erd/  
Du weists darumb mein zeuge werd/  
Das ich dein wort vnd Ehr allein/  
Hab angeschn im leben mein/  
Dauon mich nicht der Erden schaks/  
Han treiben mögen/vnuerlezt/  
Mein gwissen hab erhalten ich/  
Des frew ich mich so herziglich/  
Das ich mein widersacher all/  
Hab wider strebt in diesem fall/  
Gotts Ehr allein ich hab gesucht/  
Die von ihu vnter wirdt gedruckt  
Wollan/Gott/Gott/wirdt Richter sein/  
Der ihu sicht in das Herz hinein/  
Erewlich ich mein gesellen man/  
Vom werck sie wollen nit ablan/  
Das schon in mitten lauff gericht/  
Dauon kein gwalt sie abschreck nicht/  
Frisch/vnuerzagt mit mannes mut/  
Setzt immer nein/Gott walten thut/  
Die sach ist sein/sein Nam vnd Ehr/  
Beschüzet bitte ich immer mehr/  
Solt achten diß mein letzte wort/  
Die schreibet an ein tieffen ort/


Wey

Graffen zu Witgenstein.  
Bey ewrem herzen/ Nun wolan/  
Mein Seel will ich befohlen han/  
Dir sie erkauft hast Jesu Christ/  
Demnach mein Bruder worden bist/  
Mit deinem Tode vnd rosen blut/  
Ach G D E vnd E H R mein höchstes gut


END E.











B.I.G.

Farbkarte #13

Blue Cyan Green Yellow Red Magenta White 3/Color Black



Begriff  
 lichen Le=  
 n absterbens/Wei=  
 vnd Wolgebomen Her=  
 on Seyn/ Graffen zu Witgen=  
 vnd HohenStifften respective zu  
 Straßburg Thumherzn/rc. Welcher  
 nats tag Julij/vmb drey vhr nach  
 n Acht vnnnd achtzigsten Jars  
 hof zu Straßburg/sanfft  
 Ern Christo entz  
 en ist/rc.



LXXXVIII.



27

